

# Dubbel-dosis

Volvo was nog altyd bekend om die bou van veilige motors. Die veiligste Volvo nóg is waarskynlik ook die veiligste motor in die wêreld tans.

Foto's: Marc Bow



**X** omdat die volgende ronde EuroNCAP-botstoets uitgevoer word, van vanjaar af met 'n nuwe graderingstelsel, word die XC60 nie-ampelik beskou as die veiligste motor tans in die wêreld.

Dis te danke aan die volle komplement innoverende nuwe veiligheidstelsels en die gebruik van 'n interessante kombinasie hoësterkte metale wat deur Volvo gepatenteer is om die veiligheidskas daar te stel en botskragte beter te versprei.

Die WIEL-span was dit eens dat hulle inderdaad werklik veilig gevoel het agter die wiel, dalk meer 'n sielkundige gevolg van die kennis van die ingeboude nuwe veiligheidstelsels.

Daarvan is City Safety die jongste en sekerlik die belangrikste, 'n standaard-kenmerk op alle XC60's wat ook na ander nuwe modelle uitgerol sal word. Volvo het dit ten doel dat van die 2015-modeljaar af geen persoon wat in 'n Volvo-motor in 'n botsing betrokke is, hoe gering of erg ook al, daarin gedood of self ernstig beseer moet word nie. Almal moet kan uitklim en wegstap.

Vandaar die versterkte rolkaste en veiligheidstelsel en byna ontelbare ingeboude veiligheidstelsels, soos gordels wat deurentyd gepriem bly. Volvo was eerste met die veiligheidskas (1944), gordels (1959), kopstutte (1968) en lugsakke (1987), die sy-impak botsstelsel SIPS (1991) en die sweepsag-beskermingstelsel WHIPS (1998). 'n Nuwe golf tegnologie bring togbeheer met afstandbeheer, allerlei rol- en stabiliteitsprogramme, flitsende remligte, gelamineerde vensterglas reg rondom, en die heel jongste een: City Safety en Driver Alert Control.

Hierdie stelsels monitor deurentyd padomstandighede voor die Volvo en waarsku vroegetyd van maanlike botsgevaare sodat voorkomend opgetree kan word, en neem stuur en versneller-insette in ag om te bepaal of die bestuurder

moeg (of besope?) is. Teen snelhede onder 30 km/h sal die motor vanself rem en dit tot stilstand bring as daar 'n botsgevaar ontstaan – sonder tussenkoms van die bestuurder...

Synde navorsing getoon het dat die meeste ongelukke in 'n stedelike omgewing teen kruip-snelhede plaasvind, en City Safety dié risiko grootliks uitkakel, gee versekeringsmaatskappye in Europa 'n afslag op versekering (Volvo is plaaslik besig met onderhandelings hieroor).

Dis egter wat jy nie sien nie, wat ook tel, soos die absorberende materiale aan die voorkant om voetganger-beserings te voorkom, en die laag-gemonteerde veiligheidsbalk in die voorste skort wat daar is om die veiligheidstelsels van kleiner motors te aktiveer.

Die XC60 kom aanvanklik met slegs een dryfstel-tipe, alwiel-aandrywing wat dryfkrag deur middel van 'n Haldex-koppeling versprei soos nodig om optimum traksie op teergebruik, grondpaaie of ander gladde oppervlakke te verseker (ons verneem 'n effe goedkoper voorwiel-gedrewe XC60 is in die pyplyn).

Gegewe sy bakafmetings – hoër as 'n XC70 en laer as 'n XC90, maar korter as albei – is

BlitsGids	XC60 3,0T	XC60 2,4 D5
<b>Enjintipe:</b>	Gelid-6, turbopetrol	Gelid-5, turbodiesel
<b>Verplasing:</b>	2 953 cm <sup>3</sup>	2 400 cm <sup>3</sup>
<b>Kragstyk:</b>	210 kW/400 Nm	136 kW/400 Nm
<b>0-100 km/h:</b>	7,81 sek.	10,15 sek.
<b>Topsnelheid:</b>	210 km/h*	200 km/h*
<b>Verbruik:</b>	11,9 l/100 km*	8,3 l/100 km*
<b>CO<sub>2</sub>-uitlate:</b>	284 g/km*	219 g/km*
<b>Basisprys:</b>	R515 000	R481 500
<b>Internet:</b>	www.volvocars.co.za	

**In dieselfde prysklas:** Audi A5 3.2 V6 FSI (R481 500); BMW Z4 3.0si Koepee (R483 300); Volvo S80 D5 (R495 500); Jaguar XF 3.0 (R499 000); Mercedes-Benz E 280 (R505 000); Cadillac STS (R519 630)  
**Met dieselfde bakstyl:** BMW X3 xDrive30i Steptronic (R518 000); X3 xDrive25i Steptronic (R484 000); Land Rover Freelander 3.2 HSE outo (R442 000); Land Rover Freelander 2.2D HSE outo (R398 000); Mazda CX-7 2.3 outo (R387 000); Audi Q5 2.0T FSI S tronic (R460 500); Audi Q5 3.2 V6 S tronic (R515 000)

Standaard-kenmerke	
<b>Lugsakke</b>	Voor/sykant/oorhoofs
<b>Veiligheid</b>	City Safety, SIPS, WHIPS, RSC, ROPS, ABS, BAS, EBD, DSTC, HDC
<b>Verkoeling</b>	Klimaatbeheer
<b>Klankstelsel</b>	Radio/CD/MP3/USB
<b>Sentrale sluiting</b>	Ja
<b>Alarm/immob</b>	Ja/ja
<b>Togbeheer</b>	Ja
<b>Stuur-verstelling</b>	Hoogte/diepte
<b>Stuiplekverstelling</b>	Elektries
<b>Bekleding</b>	Leer
<b>Aantal stuiplekke</b>	5
<b>Misligte</b>	Voor/agter
<b>Sondak</b>	Nee
<b>Sensors</b>	Veërs/remme
<b>Parkeerhulp</b>	Agter (3,0T)
<b>Ligte</b>	Xenon (3,0T)/Halogeen (D5)
<b>Isosif-hegppunte</b>	Ja, plus bolster-kussings
<b>Elektriese hulp</b>	Vensters/spieëls

Volvo XC60

dit in die mark as 'n SUV geposisioneer in 'n segment wat binnekort baie strawwe mededinging gaan bied.

Hoewel daar heelparty kompakte SUV's

**Volvo was eerste met die veiligheidskas (1944), gordels (1959), kopstutte (1968) en lugsakke (1987), die sy-impak botsstelsel SIPS (1991) en die sweepsag-beskermingstelsel WHIPS (1998)**

## Toetsnotas

**TS:** Volvo het 'n probleem op hand. Die XC60 is ruim genoeg, vinnig genoeg, mooi genoeg en (om redes van status) groot genoeg – als kenmerke waarom die XC90 óók beskik, maar in laasgenoemde se geval vir veel meer geld. Dit gaan beslis verkope by die groter model steel. Met hierdie tweede kennismaking het die diesel my ook heelwat meer beïndruk (hoewel dit steeds lawaaiig is), en is dus die beter keuse as die dorstiger turbopetrol. Maar Audi het pas die Q5 bekend gestel, Land Rover se uitstekende Freelander is beter geprys en die volgende BMW X3 is om die draai. Wees geduldig, bestuur eers al die mededingers en neem dán 'n ingeligte besluit.



**SP:** Danksy indrukwekkende teenwoordigheid en Sweedse styl is die XC60 'n interessante alternatief tot veel duurder volgrootte teerpad-SUV's, al is dit self nie goedkoop nie. Volvo se gemaklike sitplekke, die ontwerp van die voorpaneel en die goeie rit op standaard 17 duim-wiele is hoogtepunte. Fieterjasies wat Volvo gebruik om hul produkte te differensieer, soos BLIS, City Safety en waarskuwing van laan-afwyking is onnodig en soms irriterend.



## Wat kan beter?

- Sagter afwerking laer af op die voorpaneel.
- Vervang die antieke D5-enjin met die nuwer weergawe soos reeds in Europa bekend gestel.

Toetse uitgevoer met



**TOTAL**

You know where to turn

SPESIFIKASIES		Volvo XC60 3,0T
<b>ENJIN</b>		
Silinders		Gelid-6, dwarsgemonteer
Brandstofvoevoer		Elektroniese petrol-inspuiting, turbo, tussenkoeler
Boor x slag		82 mm x 93,2 mm
Verplasinginhoud		2 953 cm <sup>3</sup>
Drukverhouding		9,3 : 1
Kleppang		DBNA, 4 kleppe per silinder
<b>VERRIGTING</b>		
Maks. drywing ISO (kW)		210 kW @ 5 600 r/min
Maks. wringkrug (Nm)		400 Nm @ 1 500 r/min
<b>RATKAS</b>		
Rat		Sesgang outo met tikrat-opsie
1ste rat		4,15 : 1
2de rat		2,37 : 1
3de rat		1,56 : 1
4de rat		1,16 : 1
5de rat		0,86 : 1
Trurat		0,69 : 1
Finale aandrywing		3,39 : 1
Dryfwiele		3,75 : 1
Hulpmiddels		Permanente vierwielaandrywing, stabiliteits- en vastrap-beheer met heuwelhulp
<b>WIELE EN BANDE</b>		
Padwiele		7J x 18" allooi
Handelsmerk		Pirelli Pzero Rosso
Bandgrootte		235/60 R18 103V
Noodwiel		Ruimtespaarder
<b>REMME</b>		
Voor		328 mm x 30 mm geventileerde skywe
Agter		302 mm x 22 mm geventileerde skywe
Veiligheidstelsels		Sluitweerremme met elektroniese remkragverspreiding en remhulp
<b>STUUR</b>		
Tipe		Tandstang en kleinrat met hidrouliese kraghulp
Kant tot kant		2,9
Draaisirkel		11,9 m
<b>VEERSTELSEL</b>		
Voor		MacPherson-stutte, teenkantelstaaf
Agter		Veelskakel, krulvere, teenkantelstaaf
<b>VERPLASINGSINHOUD</b>		
Sitplekke		5
Brandstofstank		70
Bagasieruim		368 – 1 388 dm <sup>3</sup>
<b>WAARBORG EN DIENSINTERVALLE</b>		
		5 jaar/100 000 km-waARBORG
		5 jaar/100 000 km-onderhoudsplan
		Dienste (km): 20 000

beskikbaar is (CR-V, Tiguan, RAV4, Captiva en dies meer), is mededingers in die segment vir premium-motors yler bevolk, en hier moet die XC60 sy man kan staan teen die Land Rover Freelander, BMW X3, Audi Q5 en binnekort ook die Mercedes GLK. Hy kom selfs met skaflike grondvryhoogte (230 mm, vergeleke met die Freelander se 220 mm en die CR-V se 185 mm).

Gemeet aan hierdie motors kom die XC60, veral in 3,0T gewaad, aan die duur kant voor, maar let op na die toerustingvlak wat insluit die omvattende elektroniese veiligheidstelsels soos DSTC, Hill Descent Control (HDC), al wat moontlike sensor is, xenon-ligte, parkeerhulp agter, togbeheer, elektriese sitplekke en premium klankstelsel. Rus enige van die Duitsers tot hierdie spesifikasievlak toe, en hul pryse lyk glad nie meer so aantreklik nie.

Volvo se uitgangspunt skyn egter te wees dat hul motors so omvattend moontlik toegerus moet wees, met weinig opsies beskikbaar.

Daar is baie pluspunte – 'n veelsydige sitplekstelsel wat in enige groepering gevou kan word, 'n sluitbare ondervloerse stoorkas in die bagasieruim vir kosbaarhede, die gebruiklike ergonomiese sitplekke, 'n ruimer kajuit as wat die bakafmetings jou wil laat

Volvo XC60 2,4 D5	
<b>ENJIN</b>	
	Gelid-5, dwarsgemonteer
	Deeltoevoer direkte diesel-inspuiting, turbo, tussenkoeler
	81 mm x 93,15 mm
	2 400 cm <sup>3</sup>
	17,3 : 1
	DBNA, 4 kleppe per silinder
<b>VERRIGTING</b>	
	136 kW @ 4 000 r/min
	400 Nm @ 2 000 r/min
<b>RATKAS</b>	
	Sesgang outo met tikrat-opsie
	4,15 : 1
	2,37 : 1
	1,55 : 1
	1,16 : 1
	0,86 : 1
	0,69 : 1
	3,39 : 1
	3,75 : 1
	Permanente vierwielaandrywing, stabiliteits- en vastrap-beheer met heuwelhulp
<b>WIELE EN BANDE</b>	
	7J x 17" allooi
	Continental CrossContact
	235/65 R17 104V
	Ruimtespaarder
<b>REMME</b>	
	328 mm x 30 mm geventileerde skywe
	302 mm x 22 mm geventileerde skywe
	Sluitweerremme met elektroniese remkragverspreiding en remhulp
<b>STUUR</b>	
	Tandstang en kleinrat met hidrouliese kraghulp
	2,9
	11,9 m
<b>VEERSTELSEL</b>	
	MacPherson-stutte, teenkantelstaaf
	Veelskakel, krulvere, teenkantelstaaf
<b>VERPLASINGSINHOUD</b>	
	5
	70
	368 – 1 388 dm <sup>3</sup>
<b>WAARBORG EN DIENSINTERVALLE</b>	
	5 jaar/100 000 km-waARBORG
	5 jaar/100 000 km-onderhoudsplan
	Dienste (km): 15 000

glo (en in alle rigtings nie veel kleiner as die aansienlik duurder XC90 is nie), en aandag aan detail om enige reis so aangenaam as moontlik te maak – USB-sokke, 'n ventilasieselsel wat die lug in die motor begin hersirkuleer die oomblik wat die motor van 'n afstand ontsluit word, en boonop alle lug van buite eers filtreer voordat dit as geskik vir gebruik in die kajuit verklaar word...

Bekendstelling van die XC60-reeks het afgeskop met drie weergawes wat beskikbaar is in die vorm van twee 2,4 liter, gelid-vyfsilinder D5-modelle met sesgang hand- of Geartronic-ratkaste, en een volledig-toegeruste 3,0T met gelid-ses petrolenjin. 'n Opsionele Elite-pakket met verskeie items teen ongeveer R16 000, waaronder parkeerhulp en xenon-ligte, is beskikbaar om die D5 se afwerkingsvlak te lig tot dié van die 3,0T.

Dinamika van die D5-enjin het ons egter teleurgestel. Ratwisseling van die outokas is soms traag en die enjin neem 'n wyle om op insette te reageer, soveel so dat die bestuurder 'n voorsienende bestuurstyl moet inspan. Krag is daar genoeg (die 400 Nm is identies op die D5 en 3,0T), maar die uitvoering daarvan verskil aansienlik. Die enjin is ook raserig, met sy



Die aksie van die stuurwiel-spriete gee nie 'n gevoel van gehalte nie. Kontroles op die wiel self is eenvoudig om te gebruik.

enigste werklike pluspunt 'n goeie verbruiksyfer. 'n Nuwegeslag D5 maak binnekort sy debuut in die Volvo S80, maar sal nie voor vroeg in 2010 in Suid-Afrikaanse XC60's beskikbaar wees nie.

Die CVVT 3,0T geval dus aansienlik meer. Hy's stiller, gladder en ratser, maar daar is 'n verbruikpremie om te betaal, en hierdie model kom ook met die mees omvattende toerustingvlak – gevolglik is hierdie die model van keuse, sy R33 500 hoër koopprys ten spyte.

Hantering is padvas en neutraal – met soveel elektroniese inmenging, waarvan die bestuurder grotendeels onbewus is, kan dit ook nie anders nie, en om enigsins te wil fout vind daarmee sou moontlik vitterig wees.

## Gevolgtrekking

Die XC60 lui vir Volvo 'n heel nuwe era in, met onder meer 'n belangrike herposisionering wat die handelsmerk se beeld betref – een meer gerig op tegno- en jeugdigheid om gevolglik meer by persoonlikheid as ouderdom aanklank te vind.

Die XC60 sluit dus perfek aan by die kruis-konsep deur ietsie van alles te bied – stasiewa, veldvoertuig, en 'n stewige dosis weelde en gerief. ■



## TOETS-UITSLAE

Maksimum		Volvo XC60 3,0T				Volvo XC60 2,4 D5			
Toerelimit		213 @ 4 074 r/min				200 @ 3 835 r/min			
Snelheidsmeter		6 500 r/min				5 000 r/min			
Ware snelheid		60	80	100	120	60	80	100	120
		61	80	100	121	61	82	102	122
0-40		2,34				2,68			
0-60		3,84				4,49			
0-80		5,71				7,09			
0-100		7,81				10,15			
0-120		10,77				14,47			
0-140		14,21				20,06			
1 km nallopie		28,41				31,68			
Eindsnelheid		188,2 km/h				165,4 km/h			
Outo		VERBYSTEEK-VERSNELLING (sekondes)				VERBYSTEEK-VERSNELLING (sekondes)			
40-60		1,64				1,90			
60-80		1,89				2,60			
80-100		2,12				3,08			
100-120		2,82				4,37			
120-140		3,16				5,60			
Stad		17,1 l/100 km				10,9 l/100 km			
Hoofweg		8,9 l/100 km				6,8 l/100 km			
Gekombineerd		11,9 l/100 km				8,3 l/100 km			
Geskatte reikafstand		490 km				702 km			
CO <sub>2</sub> -uitlaai		284 g/km				219 g/km			
100-0 (sek.)		2,85/3,16 (beste/swakste)				2,83/3,21 (beste/swakste)			
Gemiddeld van 10		2,99/goed				3,06/goed			
Outo		(Gemeet in sek. van 'n werklike snelheid tot stilstand met intervalle van 30 sekondes op 'n goeie teeroppervlak)				(Gemeet in sek. van 'n werklike snelheid tot stilstand met intervalle van 30 sekondes op 'n goeie teeroppervlak)			
Luier		GERAASVLAKKE (dBA)				GERAASVLAKKE (dBA)			
60 km/h		38				42			
120 km/h		56				54			
		64				66			
Drywing/massa (W/kg)		113				72			
Drywing/liter (kW/liter)		71				57			
Wringkrug/liter (Nm/liter)		135				167			
Vooroppervlak (m <sup>2</sup> )		3,24				3,24			
Sleuroëffisiënt (C <sub>d</sub> )		0,35				0,35			
Massa soos getoets (kg)		1 855				1 882			
Verspreiding voor/agter (%)		57/43				59/41			
		(Bereken volgens "massa soos getoets", bruto vooroppervlak, ratverhoudings en ISO kragleweringssyfers)				(Bereken volgens "massa soos getoets", bruto vooroppervlak, ratverhoudings en ISO kragleweringssyfers)			
Hoogte		TOETSOMSTANDIGHEDE				TOETSOMSTANDIGHEDE			
Weer		Seevlak				Seevlak			
Odolesing		Helder, warm, ligte bries				Helder, warm, ligte bries			
		3160 km				1280 km			

16/20

15/20